

四庫全書

史部

欽定四庫全書

史部

左傳紀事本末卷一至四

詳校官侍講學士臣平 懈

編修臣裴謙覆勘

總校官庶吉士臣何思鈞

校對官中書臣李 桦

謄錄監生臣沈安邦

欽定四庫全書

史部三

左傳紀事本末目錄

紀事本末類

周

卷一

王朝交魯

卷二

桓王伐鄭

卷三

王臣之事

王朝
齊附
交列國

定靈婚
諸侯朝
王併附

卷四

王室庶孽之禍

魯

卷五

隱公嗣國

桓公篡
弑附

卷六

魯與列國通好

宋衛共
姬之節附

卷七

文姜之亂

莊公
仇附

卷八

列卿嗣世

孟孫叔孫季孫
臧孫子叔氏

卷九

三桓弱公室

卷十

魯陪臣交叛

南蒯陽虎
侯犯公孫宿

卷十一

魯與邾莒搆怨

魯伐滅小國
小國來伐亦附

卷十二

小國交魯

戎狄兵
好俱附

卷十三

郊祀雩祭

旱而不雩見災
異視朔附

卷十四

城築蒐狩

卷十五

孔子仕魯

仲由 端木賜 冉求
高柴

齊

卷十六

齊滅紀

卷十七

齊襄公之弑

卷十八

齊桓公之伯

卷十九

齊五公子爭立

卷二十

靈景經畧小國

晏子相齊附

卷二十一

崔慶之亂

卷二十二

陳氏傾齊

晉

卷二十三

曲沃併晉

卷二十四

晉滅虞號

驪姬之亂
惠懷之立

卷二十五

晉文公之伯

襄公繼
伯附

卷二十六

晉楚爭伯

靈公至厲公
楚莊王圖伯附

卷二十七

晉景楚共爭伯

厲公鄢陵
之戰附

卷二十八

秦晉交兵

卷二十九

晉悼公復伯

卷三十

晉楚弭兵

卷三十一

晉卿族廢興

卷三十二

晉并戎狄長狄
附

卷三十三

晉失諸侯

宋

卷三十四

宋殤閔昭公之弑

卷三十五

宋襄公圖伯

卷三十六

宋公族廢興

魚石之亂
樂大心辰地之亂
桓魋之亂
華向之亂
大尹

之亂
景公滅曹
內附

衛

卷三十七

衛州吁宣姜之亂

懿公亡國
公定狄難附文

卷三十八

甯武子弭晉難

卷三十九

孫甯廢立

卷四十

衛靈公之立

晉輒父子爭國齊豹之亂南子之寵附

鄭

卷四十一

鄭莊強國

克段入許諸公子爭國附

卷四十二

鄭穆公之立

靈公僖公之弑附

卷四十三

鄭滅許

卷四十四

子產相鄭

西宮純門之難
諸臣興廢附

楚

卷四十五

楚伐滅小國

成王之
弑附

卷四十六

楚諸令尹代政

武王以後
靈王以前

卷四十七

楚靈王之亂 滅陳蔡平

王得國俱附

卷四十八

昭惠復興楚國 白公之亂

惠王滅陳附

吳

卷四十九

吳通上國

季札讓
國附

卷五十

闔閭入郢

卷五十一

勾踐滅吳

秦

卷五十二

穆公伯西戎

列國

卷五十三

春秋災異

臣等謹案左傳紀事本末五十三卷

國朝高士奇撰士奇字澹人錢塘人居平湖以
諸生授詹事府主簿改翰林侍讀厯官詹事
歸里即家拜禮部侍郎諡文恪此書仿宋袁
樞通鑑紀事本末之例排纂左傳所載列國
事蹟分門件繫以便觀覽其例有曰補逸則
雜採諸子史傳與左氏相表裏者曰考異則與
左氏異詞可備參訂者曰辨誤則糾其傳聞失

實踐駁不倫者曰攷証則取有依據可為典
要者又時附以已見謂之發明凡周四卷魯
十一卷齊七卷晉十一卷宋三卷衛四卷鄭
四卷楚四卷吳三卷秦一卷列國一卷目各
如其卷之數自宋以來學者以左傳敘事隔
涉年月不得其統往往為之詮次類編其見
於史志者有楊均葉清臣宋敏修黃頴周武
仲勾龍傳桂績呂祖謙陳持章沖徐得之孫

調楊泰之毛友徐安道孫范等諸家今其書
多亡佚不傳中如呂祖謙之左傳類編雖尚
散見永樂大典中而簡略失次且多脫闕未
為善本惟章沖左氏事類始末全書尚存其
體亦頗與士奇所撰相近蓋士奇未見沖書
故復為之然沖書以十二公為紀此則以國
為紀義例略殊又沖書門目太傷繁碎且於
左氏原文頗多裁損至有裂句摘字聯合而

成者士奇則大事必書而略於其細眉目朗
晰尋文易知雖其詳備不及沖書而部居州
次端緒可尋於讀盲史者亦未嘗無所助也
乾隆四十三年六月恭校上

總纂官臣紀昀臣陸錫熊臣孫士毅

總校官臣陸費墀

金匱四庫全書

目錄

凡例

一左氏之書雖傳春秋實兼綜列國之史茲用宋袁樞紀事本末例凡列國大事各從其類不以時序而以國序

一首王室尊周也次魯重宗國也春秋之所託也次齊晉崇霸統也次宋衛鄭三國皆為與國其事多且春秋中之樞紐也次楚次吳越其國大其事繁後之者黜其僭也次秦志其代周且惡之也陳蔡曹許諸小

國散見於諸大國之中微而畧之也晉楚之爭霸俱詳晉事中晉為主楚為客也

一是書凡左氏傳文罕有所遺或有一傳而闊涉數事者其文不得不重見則隨其事之所主為文之詳畧一三代秦漢之書經史諸子雜出繁多其與左氏相表裏者皆博取而附載之謂之補逸其與左氏異同迥別者並存其說以備參伍謂之攷異其有踳駁不倫傳聞失實者為釐辨之謂之辨誤其有證據明白可

為典要者別而誌之謂之攷證參以管見聊附臆說
謂之發明云

欽定四庫全書

卷之三

三

欽定四庫全書

左傳紀事本末卷一

詹事府詹事高士奇撰

王朝交魯

隱公元年秋七月天王使宰咺來歸惠公仲子之賵緩
且子氏未薨故名天子七月而葬同軌畢至諸侯五月
同盟至大夫三月同位至士踰月外姻至贈死不父尸
弔生不及哀豫凶事非禮也 十二月祭伯來非王命

也 三年春王三月壬戌平王崩赴以庚戌故書之

秋武氏子來求聘王未葬也 六年冬京師來告饑公為之請糴於宋衛齊鄭禮也 七年初戎朝於周發幣公於公卿凡伯弗賓冬王使凡伯來聘還戎伐之於楚丘以歸

九年天王使南季來聘

有經無傳

穀梁傳曰聘諸侯非正也

桓公四年夏周宰渠伯糾來聘父在故名 五年天王

使仍叔之子來聘仍叔之子弱也

異穀梁傳曰任叔之子者錄父以使子也

八年冬祭公來遂逆王后於紀禮也 九年春紀季姜歸於京師凡諸侯之女行唯王后書十五年春天王使家父來求車非禮也諸侯不貢車服天子不私求財

莊公元年秋築王姬之館于外為外禮也

補逸莊公元年王使榮叔來錫桓公命有經傳

穀梁傳曰錫命非正也生不服死追錫之不正甚矣

三年夏五月葬桓王緩也

攷異穀梁傳曰改葬也

十一年冬齊侯來逆共姬

發明按魯主王姬之嫁舊矣故桓公之娶王姬亦逆于

魯蓋魯為王室懿親也

補逸二十三年祭叔來聘

有經無傳

穀梁傳曰天子之内臣也不正其外交故不與使也

僖公三十年冬王使周公閔來聘饗有昌歎白黑形鹽

辭曰國君文足昭也武可畏也則有備物之饗以象其
德薦五味羞嘉穀鹽虎形以獻其功吾何以堪之 東
門襄仲將聘于周遂初聘于晉 文公元年春王使內
史叔服來會葬 夏四月丁巳葬僖公 王使毛伯衛
來錫公命叔孫得臣如周拜 五年春王使榮叔來含
且賜名昭公來會葬禮也 八年秋襄王崩 冬穆伯
如周弔喪 九年春毛伯衛來求金非禮也不書王命
未葬也 二月莊叔如周葬襄王 十年秋七月及蘇

子盟于女栗頃王立故也 宣公九年春王使來徵聘
夏孟獻子聘于周王以為有禮厚賄之 十年秋劉康
公來報聘

逸補國語定王八年使劉康公聘于魯發幣于大夫季

文子孟獻子皆儉叔孫宣子東門子家皆侈歸王問
魯大夫孰賢對曰季孟其長處魯乎叔孫東門其亡
乎若家不亡身必不免王曰何故對曰臣聞之為臣
必臣為君必君寬肅宣惠君也敬恪恭儉臣也寬所

以保本也肅所以濟時也宣所以教施也惠所以和民也本有保則必固時動而濟則無敗功效施而宣則褊惠以和民則阜若本固而功成施徧而民阜乃可以長保民矣其何事不徹敬所以承命也恪所以守業也恭所以給事也儉所以足用也以敬承命則不違以恪守業則不懈以恭給事則寬于死以儉足用則遠于憂若承命不違守業不懈寬于死而遠于憂則可以上下無隙矣其何任不堪上任事而徹下

能堪其任所以為令聞長世也今夫二子者儉其能足用矣用足則族可以庇二子者侈侈則不恤匱匱而不恤憂必及之若是則必廣其身且夫人臣而侈國家弗堪亡之道也王曰幾何對曰東門之位不若叔孫而泰侈焉不可以事二君叔孫之位不若季孟而亦泰侈焉不可以事三君若皆早世猶可若登年以載其毒必亡十六年魯宣公卒赴者未及東門氏來告亂子家奔齊簡王十一年魯叔孫宣伯亦奔齊

成公五年十一月己酉定王崩 八年秋七月丙午桓公
來賜公命 襄公二十八年冬十一月癸巳天王崩未
來赴亦未書禮也 十二月王人來告喪問崩日以甲
寅告故書之以徵過也

定公十四年天王使石尚來歸脹有經無傳

穀梁傳脹者何也俎實也祭肉也生曰脹熟曰脯其
辭石尚士也何以知其士也天子之大夫不名石尚
欲書春秋諫曰久矣周之不行禮于魯也請行脹貴

復正也

哀公十九年冬叔青如京師敬王崩故也

臣士奇曰昔周公夾輔兩朝有大勲勞于王室伯

禽封魯土田附庸倍敦諸姬號稱望國王后王女
之歸皆得主之是周之最親莫如魯而魯所宜翼
戴者莫如周也十二公歷年二百四十而王朝交
魯書來聘者七錫命者三歸賑者一賜喪者四金
車赴告之役不與焉亦綦勤矣乃述職之紀終春

秋世僅僖再朝王所成一如京師又因伐秦而往
非真有就日之誠者其執禮殷勤曾不及事齊晉
之萬一何其慢也夫時至戰國權詐相高君臣名
分之際等弁髦矣乃齊威一朝周而天下翕然賢
之幾乎復伯况春秋時共主悉臣之義猶在人心
也使魯能總帥諸姬勤修聘覲之禮天下其孰敢
不謹臣節而王室不重于九鼎哉春秋紀王禮之
隆所以深著魯侯之慢也雖然魯固有罪而王亦

未為得也夫刑賞者王者馭天下之大柄賞僭而人不服猶刑濫而人不懼也周自平王之東予奪廢置天下所共聽覩而所首加恩者乃一文手之仲子與弑逆之桓公至不朝者貶爵削地之罰不加而生則崇其號沒猶顯其稱其他辱臨魯庭者非私交之朋比則取求之無厭也來而不往安知魯之不有以窺其間而愈以長驕益惰哉使當時能正仲子之名問爲氏之故則三綱九法名義昭

然魯且震懼之不暇不待徵聘而春秋冠帶相望于周京矣故曰魯固有罪而周亦未為得也載攷十二公自隱及僖周魯之往來猶數文宣以後乃益寥寥蓋其時三家漸強專制魯國彼不知有公安知有王修聘于王室者愈罕而王禮亦因之以倦焉上下之交于是息矣

左傳紀事本末卷一